





紅苗歸化恭紀詩乃翰林諸公館課之作所以  
著

聖朝之功德隆盛嘉苗人之率教喜邊界之民永享  
太平詠歌揄揚家大人適總制楚省逢時遇  
主屢荷

寵褒去年夏蒙

御書唐元稹詩於金扇以賜詩起句楚塞分形勢羊  
公壓大邦薰盥仰視

雲章爛然光耀世世懽忭無似翰林諸公以恭紀諸  
什播諸史館家大人命刊板以示楚中人士永





昭

盛治承太倉相國爲之撰序詩凡若干首編目次爵里小子至愚無識獲與校對其榮莫大焉刻詩既竣敬識簡後長白達禮善拜手書於拳石堂左之小齋時在

康熙五十二年四月朔日戊申

紅苗歸化詩序

皇帝御極五十餘載化成德洽九州八荒之地莫不順則苗民處黔楚之間舊隸長司者實獻彌謹惟紅苗滋種山谷歷代所不能綏憑深阻險曠絕禮教

皇帝撫綏中外一視同仁屢

勅邊吏無侮遠人聽其悔悟革過遷善於是總督湖廣兵部侍郎都御史鄂公偕巡撫提督總兵以下文武各官至鎮筵按行苗境宣布

朝廷恩意苗民稽首聽命先後三百一十三寨共



四千七百戶著版納糧獲髮製冠服咸來武昌  
受賞賚通市易分部率族唱舞載道願逮子孫  
世供屬役

皇帝嘉苗民之順命既加恩司事諸臣復

諭安插歸化諸寨苗戶以生以養無俾失所內外大  
小臣庶仰誦

恩綸感激懼忭而翰林職尤親近遭逢盛事各為恭  
紀五言律詩若干韻將勒諸金石以昭示無窮  
揆竊觀之自古德澤之涵濡恩信之孚感未有  
如

皇帝之深且遠者也苗民之來格在虞階舞干之後  
禹貢敘荒服之蠻羈縻之而已至周宣蠢爾蠻  
荆之詩奮其征伐春秋以後其俗散處叛服不  
常唐宋及明屢興兵討捕苗人多被孥戮而楚  
黔之民供億勞敝今則不煩一卒不用一矢平  
險阻化頑梗遐方異類悉為太平之編伍實本  
聖天子深仁厚義民說無疆遠使卉服侏音洗心革  
面而岳牧羣司奉揚醇教以懷輯徼外務在息  
爭弭患悠久蒙福上副柔遠能邇之

德旨其事亦良美矣昔周雅鋪張南伐誇其雷霆燁



赫猶不過以武震來威而虞廷格苗時則有后  
夔韶詠至於鳳凰儀而百獸舞太和薰被率應  
至神今日苗民歸化之尤盛詠歎而揚頌之暢  
有合於依永之音俾普天風壤莫不躋仁壽而  
享康寧豈往代之唐敢貢詩武岡鐫銘能比庶  
其萬一哉是詩方付於史館譜諸樂府用播四  
譯而耀來茲因序於詩之端特誌其盛敬拜手  
而書之昔

康熙五十有二年歲次癸巳三月季春穀旦  
賜進士出身光祿大夫

經筵講官文淵閣大學士兼禮部尚書加七級總修  
國史

典訓一統志監修明史婁江王掞撰



紅苗歸化恭紀詩編次

翰林院編 修車鼎晉

翰林院編 修朱啓昆

翰林院檢討加一級李周望

翰林院編 修查嗣瑛

翰林院檢討劉師恕

日講官起居注翰林院侍講蔣廷錫

日講官起居注左春坊左諭德兼翰林院修撰吳廷楨

左春坊左中允兼翰林院編修陳世倌

武英殿纂修翰林院編修廖賡謨



翰林院編修萬經

翰林院檢討李天祥

翰林院修撰王雲錦

武英殿纂修翰林院編修吳士玉

翰林院編修彭廷訓

翰林院編修林之濬

翰林院編修嵇曾筠

武英殿纂修翰林院編修宮鴻曆

翰林院編修莊令輿

翰林院編修查嗣庭

翰林院編修鄭任鑰

翰林院編修王暮

翰林院編修俞兆晟

翰林院檢討彭維新

翰林院檢討張懋能

翰林院檢討王思訓

翰林院檢討潘楷

翰林院檢討史尚節

翰林院檢討壽致潤

翰林院編修朱元英



翰林院編修加四級蔣連	翰林院編修惠士奇	翰林院編修李紱	翰林院編修張起麟	翰林院編修儲在文	翰林院編修戚麟祥	翰林院編修徐用錫	翰林院編修阿克敦	翰林院編修呂謙恒	翰林院編修秦道然
------------	----------	---------	----------	----------	----------	----------	----------	----------	----------

翰林院編修方覲	翰林院檢討黃趙音	翰林院檢討顧五達	武英殿纂修翰林院檢討盧軒	翰林院檢討張大受	翰林院檢討黃越	翰林院檢討宋筠	翰林院庶吉士李中	翰林院庶吉士王時憲	翰林院修撰王世琛
---------	----------	----------	--------------	----------	---------	---------	----------	-----------	----------



翰林院編修沈樹本

翰林院編修加一級徐葆光

翰林院庶吉士馮汝軾

翰林院庶吉士陶貞一

翰林院庶吉士杜詔

翰林院庶吉士鮑開

翰林院庶吉士楊祖楫

翰林院庶吉士加一級顧嗣立

翰林院庶吉士徐杞

翰林院庶吉士程夢星

翰林院庶吉士薄海

翰林院庶吉士王時鴻

翰林院庶吉士郭孫順

翰林院庶吉士錢廷獻

翰林院庶吉士陳王謨

翰林院庶吉士夏慎樞

翰林院庶吉士舒大成

翰林院庶吉士潘祥

翰林院庶吉士胡煦

武英殿纂修翰林院待詔高不騫



紅苗歸化恭紀二十韻

邵陽車鼎晉

聲教咸漸被紅苗負楚疆非於今梗化直亘古  
窮荒種類分獐獠巢居接沅湘人形猶略似獠  
性總殊常率舞還輸獸來享不若羗幸逢奇闢  
代願覩盛明光

主聖階成泰臣賢俗化良鯨鯢遊樂土草木向春陽  
未用施干羽那須峙糗糧網看三面解琴識五  
絃張天豈有私覆地應無異方歡呼麋子國慶  
滿鬻熊鄉漢水波恬碧衡雲瑞靄黃一隅宣德



意八表洽靈祥  
弓矢風霜斂  
桑麻雨露香  
兒童依漢隸  
洞穴附周行  
久已螳摧臂  
新如鼠易腸  
鑿耕歌

帝力遐邇仰

王章節鉞權  
何媿招攜澤  
自洋版圖增  
式廓有道萬  
年長

紅苗歸化恭紀二十四韻

漢陽朱啓昆

自古頑難率  
蠢茲在有苗  
三旬方帝命  
歷代躲王徭  
走險如平地  
穿林傍曲喬  
蒙字辜恩義  
婆能戴獨獠  
頭飛荒術逞  
齒鑿毒煙飄

聖代恢天網  
蠻方仰斗杓  
守臣勤澤布  
邊將恥功邀  
酋穴停簧鼓  
戍樓靜矩簫  
淪肌

皇化洽革面  
野心調欲就  
虞干舞懽承  
文德招昏迷  
歎昔日悅附  
慶今朝削髮  
羞椎髻垂紳  
脫索罽扶攜  
歸版籍次第  
服科條



帝喜三苗比

恩嘉一體招相期固麥飽各務呵交饒義不留番  
馬仁知去夜臬詩書初學孔雲日永依堯鼓角  
諧巴曲吹蘆叶楚謠千山銅爨熟六詔火烽銷  
冕帶齊殊類衣裳被絕徼巍巍天地大赫赫  
帝皇超瑞氣排衡霧懽聲溢海潮施仁憑號渙錫命  
寄弓弨載筆苗工即長歌紀

聖朝

紅苗歸化恭紀二十四韻

蔚州李周望

聖世恩威遠蠻荒習俗新鴉音聽已變獠性喜能馴  
詎用歌三捷重看格七旬虞廷同納貢禹甸附  
編氓自昔盤瓠裔頻驚楚塞塵山荒迷霧雨道  
險鬱荆榛只慣憑深阻何曾受撫循蟲滋原蠢  
蠢獸聚總牲牲攀嶺恒如地抽刀不顧身蘆吹  
笙少曲草染布爲巾赤水危巢結黃沙舊寨因  
綿延巴蜀界出沒澧淩濱生熟形微異貪殘性  
亦均精夫分統率山例肯依遵自是聲靈震方



知德化淳重臣初播

誥殊俗盡歸仁作息瞻吾

主生成慶此辰衣冠遊內地交易等良民賣劍寧邊  
土耕田樂比鄰八方蒙怙冒萬物在陶鈞布澤  
真無外銘勲未有倫雕題方慕義烏弋更來賓  
高闕琛球集明堂鐘鼓陳從今千萬禩齊享太平春

紅苗歸化恭紀二十韻

海寧查嗣璫

至治涵千古含生遂百昌東西流日月南北淨煙  
霜德以文明洽威從撻伐張宅應無內外甸豈  
別要荒獨有三苗裔居然五小王分明天廣大  
容易物包藏木箐秋含瘴金蠶夜吐光九名分  
黑白八種競倉皇銅鼓爭牛角蘆笙喚馬郎由  
來忘漢大忽爾凜

皇綱久道頑初化承平孽盡良昆蟲呈物性草木感  
春陽事異征交趾琛如貢越裳雕題趨彳亍銀



劍舞丁當稽顙先烏許銜裾盡鵠倉車箱通虎  
市冠服改雞裝峒列新圖版巖隳舊石墻始知  
干羽格只在泰階旁氣自通山澤裘仍委廟堂  
萬方真一概額手慶無疆

紅苗歸化恭紀二十韻

寶應劉師恕

日高人盡仰  
天覆物無遺

端拱當朝寧聲靈訖島夷有苗曾逆命前代屢勞師  
部伍愁煙瘴豺狼負險巖深山潛窟宅古木壯  
藩籬超距如猿捷奔行勝馬馳跳梁由本性剽  
掠是生涯入目衣冠異驚人狀貌奇敢同周室  
制不識漢官儀女子刀為佩男兒髻作椎野心  
偏狡獪左語總侏離薄伐徒傷勇招降但費辭



憑陵原自昔伏匿至於斯悔過逢

昌運歸誠及

盛時歌思

天子德拜向總戎麾戶口增新版租徭隸有司漸摩  
除積習出入友蒸黎蠻霧湘中捲薰風絃上吹  
文身叨爵祿循吏荷

恩私回笑虞階舞七旬何太遲

紅苗歸化恭紀二十四韻

常熟蔣廷錫

盛德環天極神功刻石尖北征沙漠靖南伐海波  
恬西域來馴豹東隅集貢鷄時清銷劔戟戶阜  
事鋤鎌

聖世星雲爛愚氓雨露霑如雷千里震出日萬方瞻  
楚境侏儻俗

虞廷教化漸苗酋頌尺紙節使揭車幘絕谷穿幽  
峻深林豁翳巖民皆增悅樂吏豈尚威嚴盡繪  
輿圖獻分排戶口添峒丁初貢桔媿女各輸縑



犒有錢刀積懽將酒肉厭叩頭遙望

闕戢羽竝栖檐貿易通衢路風聲樹里閭製新農  
抱布庖美晚包鹽忠信人能感詩書俗更砥雅  
歌閒將帥蠻舞變黎黔申命功隨巽平施道法  
謙遠人懷用惠邊吏守期廉勸戒

王綸切恩威

帝治兼嵩呼依旭日獸舞遍荒炎粟散糶俱贍羅張  
采弗潛從今千萬禩姬曆永能占

紅苗歸化恭紀二十韻

長洲吳廷楨

帝德隆三古

皇威震百蠻兩階敦禮化萬戶格愚頑目識紅苗梗  
心知赤子艱初看

綸綉下不用矢弧彎憲使行馳騎炎荒戍撒關猿  
馴深出洞虎伏遠通山播

誥羅童叟宣

恩浹寡鰥歡呼聲欲震感激涕應潛椎髻來江郭  
盈筐集市闌詎遺



聲教外全列版書間酒脯沾脣足錢刀準口頒極  
南聆

聖訓直北仰

天顏賦入荆梁界風從軒昊還金繩今有紀銅柱古  
難攀蠢爾烽煙息熙然日月閒頌聲流竹帛佳  
氣溢塵寰東望陳蒼壁西來獻白環唐圖應復  
彷彿周雅未須刪重譯趨

楓陛垂裳集鷺班普天宏壽域一物澤寧慳

紅苗歸化恭紀二十韻

海寧陳世倌

聖化綏荒服威靈邇遠方革心輸貢賦布德本巖廊  
蠢爾荆蠻衆遐哉陸渾鄉湖湘時竄突辰沅久  
披猖在昔稱羅子居然傲夜郎羈縻元勿絕遷  
徙自靡常獸聚憑山谷蛇蟠伏箐篁古藤猿互  
嘯牙草麝留香水帶黔溪黑峰迴麥峒黃未聞  
臣漢魏詎肯服隋唐神武推

元后深仁邁百王包涵羣類廣綏靖

廟謨長旣偃兵戈象同瞻日月光豚魚知感格梟



鏡並潛藏魑結爭投袂侏離盡俶裝風雷開幕  
府霜雪耀鈎鉞膏澤誠無外招攜示不忘版圖  
皆赤子島嶼亦金湯碩鼠誰令賦哀鴻莫使傷  
芸生全百萬億紀

帝圖昌

紅苗歸化恭紀二十韻

華亭廖賡謨

主德光千禩

天威肅萬方深仁將厚澤春煦並秋霜中外蒙休養  
風雷久宴康懷柔周道洽寬大漢圖昌粵在苗  
民裔從來峒穴藏平刊失禹力撻伐後殷商星  
斗原同戴山川託渺茫文身椎髻髮跣踵烙瘢  
創蟻聚行無伍狐疑駭欲僵溪蒸鳶羽墮巖削  
攫猿翔跳躍同巴國披猖儼夜郎蟠躋神化浹  
赫濯



聖靈長喜見虞階舞欽惟

帝澤滂尊親齊血氣思服暨幽荒豪長加冠帶蠻童  
奉篚筐便同占律使不數受降王大造均亭毒  
殊方共保障俾令歸戶版咸與隸荆湘盤瓠睢  
盱俗衣裳禮義鄉遙聞蠻部樂笙鼓慶無疆

紅苗歸化恭紀二十韻

鄞縣萬經

盛世賓庭遠紅苗化育中推誠投巨鎮納款拜元  
戎昔踞深山險常依古木叢身猶居禹甸俗不  
識唐風止覺兜離極何曾禮樂攻五溪生最久  
三窟計難窮

廟算能柔遠臣僚蚤奏功招懷

文命達布告

聖恩通盡脫龍文劔都包虎韞弓種人咸屈膝長老  
願摠忠江夏趨如市盤塘去欲空心驚城郭壯



系古詩集卷之九  
氣奪甲兵雄効順應無貳歸降敢鮮終頻登周  
日雉不表漢年銅田賦輸將厚金錢

賜賚隆

九重多德意一體作顓蒙屢戒官司悔惟期雨露公  
威加看凍合恩入喜春融綸綍

王言大尊親宇內同底須干羽舞諸寨自呼嵩

紅苗歸化恭紀十六韻

永年李天祥

聖德流無外車書萬國同敷天均禹服率土盡堯封  
蠢爾三苗種潛藏五嶺中月明烏繞樹秋健馬  
嘶風漸被由昭化招徠得上公歸心呈版策革  
面釋雕弓汗史垂勲遠巖疆隸籍通要應逢景  
運亦自履

宸衷在昔稱頑俗從來好首戎何曾知服教寧肯遂  
攄忠穹昊無言治

皇王不戰功虞書昭感格



今代識崇隆楚水鯨波息衡山螿氣融蠻歌如舞  
柘巴唱學呼嵩鎮算常安輯  
朝廷識靖共雍熙垂萬古拜頌屢年豐

紅苗歸化恭紀二十韻

無錫王雲錦

夏服中邦靖商圍九野周

帝圖恢正域

王會肅諸侯異族當蠻徼同仁隔遠陬地續三楚外  
嶮設五溪頭莊躋功難屆文淵蹟更幽箐深愁  
躍馬霧黑好藏舟歷代仍頑梗

清時樂撫柔荒崖羣鳥獸大府控驛騶德意殷勤  
布侏離絡繹投惟從干羽化不事鼓鞶求稽首  
歸疆索輸心達



冕旒朱提恩自渥綵繒賚偏優有

詔頒冠帶無征靜戟矛水恬魚發發林曠鹿呦呦  
舜日殊方照

堯天萬類游賦均總稊獻壤錯版章收綏輯勞

宸慮安全廛

睿謀帡幪皆一體化理軼千秋柳頌鐘鏞叶元碑金  
石留蕪詞追往製橐筆愧枚鄒

紅苗歸化恭紀二十韻

吳縣吳士玉

廟略羌蠻服

皇威獬狔平有苗皆納款無地不編氓自昔居荒僻  
由來習戰爭華風原未識王法罕加征制府宣  
文德元戎振赫聲單車探虎穴通道化鴟鳴那  
用煩干羽何勞費甲兵盤塘俱踴躍鎮筭共歡  
迎免胄遵冠帶投戈拜旆檄行辰水側襁負  
武昌城樓閣連雲峻弓刀耀日明中原饒氣象  
諸砦失崢嶸况見河山壯還聞雨露盈薰心甘



系古詩什卷之三  
三  
効順稽顙永輸誠  
版籍歸民部  
丁糧貢  
上京設官殊赤縣奉

詔比蒼生家保豐穰  
樂人期教育成五溪  
增感激  
百戶戴

恩榮野戍休傳箭  
邊臣謾請纓一朝耕隴畔  
長屬  
鳳凰營

紅苗歸化恭紀二十韻

南昌彭廷訓

皇帝五十載仁風被八埏  
有苗格干羽

王會入圖編蠻蠻逃周版  
壺頭擾漢邊盤塘乘險  
阻箬子煽腥羶箐濕難燒  
炬峰危斷裏羶自來  
私日月蠢爾恃山川赫怒  
窮殲殪軍威勢接連  
西徵黔嶺鎬南控粵山弦  
困獸旋開網班師聽  
改絃舞階雖負固革面已  
輸虔元老勤宣化渠  
魁解乞憐文身消豕突幽  
壑靜蛟涎鳩舌初調  
譯壺漿始戴



天焚巢歸戶口墮若釋戈鋌蠻女丹砂頰溪丁土豹  
羈歡呼動山岳橫拜舞迴旋今古風塵絕嶠嶽  
瘴霧偏哀荆阻撻伐鑄鼎失凋鐫若匪  
殊恩渥能令逋寇悛恭隨柱史後江漢紀詩篇

紅苗歸化恭紀二十韻

惠安林之濬

聖德綏殊域

皇威靖遠荒不須干羽舞已變卉衣裝伊昔盤瓠種  
長留楚粵疆懸崖梯石壘絕澗密藤篁據險同  
猿狄憑高傲虎狼羊棲因地濕鷺毳足寒霜讚  
祝摧家長扣槽呼馬郎披氊行拜跪吹蔑叶宮  
商銅鼓占兵擊蘆笙跳月忙男讐穀毒矢女豔  
襲花裳木契存前約草籌量後償蛇神供俎豆  
龍戶集帆檣自古殊風俗於今安職方元臣揚



武烈猛將戢戈鏖碑碣磨崖刻旌麾列寨張編  
糧同蠶戶獻貝出硎房雜俎輸花練舞枝歡賜  
觴從茲霑教化屆遠盡耕桑績好歌鏡曲功宜  
銘太常兩階傳上世邳治邁虞唐

紅苗歸化恭紀二十韻

長洲嵇曾筠

帝世敷文日

皇靈伊濯時譯來增未有頑革慶難期緬彼槃瓠種  
蟠居盧水涯洞深箐霧合山古瘴雲彌推髻黃  
毛膩雕題粉面勢鳥言誇衆脊巴舞走神祠挾  
矢窺人射罽鎌逐隊嬉自誇辛女裔不習漢官  
儀乃忽孚干羽相扶巧保釐貢深隨計吏封籍  
叩軍麾願受三章法還從九縣夷域中文教盛  
度外遠人思鳩眼先春改鴟音自泮移豈煩桓



發績唯奏肅將詩善戰渾非戰無爲勝有爲協  
和徵化速從欲覺郵遲一面都忘祝三驅儘不  
遺

宸威天地闊

聖治古今奇狼鹿奚爲者珙球日在茲難名誰珥筆  
歌頌媿宏詞

紅苗歸化恭紀二十韻

靖海宮鴻曆

槃瓠三苗種由來化誨難荒唐無紀載險阻未  
平刊峒狹蜂攢穴山高鳥墮翰騰巖身手捷烙  
石蹠跟癥未識占風樂空知跳月歡狐疑情易  
駭蟻聚勢難安書契惟剗木兵戈止揭竿窟居  
三楚半地極五溪蟠箭毒侵膚急刀鋸刺骨寒  
羈縻同野鶻奔突類山獮禹畫輿圖遠殷懸禁  
網寬止戈方戢暴秉鉞已勝殘元老師中吉  
天威化外殫馳書鴟食椹折箠馬隨鞍卽火加冠帶



茫呼共歆盤不勞三載伐已格七旬干銅鼓娛  
蠻部蘆笙送漢官睢盱通象譯椎跣獻壺餐沅  
澧來箇籥瀟湘擷芷蘭無爲歌有截恭已靜風  
湍

紅苗歸化恭紀二十韻

武進莊令輿

王會呈圖日

天朝誌盛年侔乾功益峻配地德無邊

帝績三台迴

皇風六幕宣寰瀛包禹甸雲日戴堯天玉帛羣書集  
梯航萬國連矢從肅慎獻雉自越裳舉別有紅  
苗種潛居南楚偏穴深茵第廢崖聳竹梯緣雞  
尾當頭插銀環向耳懸畜醅家競富跳月俗多  
僮人躡笙爲偶牛遺角遞傳職方歸異域象卉



屬窮埏蛙井原非大鶚音忽自遷不煩馳羽箭  
遂爾靖蠻煙正朔欽時憲斑衣滿隧屢草因風  
信偃葵向日華鮮言語侏儻變詩書頌習專開  
天超自古拓宇迥無前  
至化誠弘矣

雄圖實爛焉願垂無外績載取象胥編

紅苗歸化恭紀二十四韻

海寧查嗣庭

德業

今皇冠千秋孰比隆梯山皆拱北航海盡朝東蠢爾  
槃瓠種微如百足蟲僻居猶異域梗化自洪蒙  
峭壁千尋斷叢岡四望空窺天坐深井畫地作  
樊籠剽悍分紅帕生獐訝綠瞳纖兒能養蠱少  
婦學彎弓鼠雀依山麓猿猱竄棘叢苟非因激  
變未必屢興戎秉氣原人類張牙偶獸窮侵漁  
愁長吏號泣隔蒼穹



昌運逢元老推誠布至公反常擒孟獲至不戮防  
風歸命同螻蟻甘心誓始終妖書付一燼貓血  
飲僉同髮雜紛紛黑旗降片片紅蠻刀輸烙鐵  
實布貢焦筒萬古鯨波息千山鳥道通嶄巖成  
樂土荆棘變芳叢默運無言化潛收不戰功七  
旬歌舜典九德舞堯宮日出知天大江蟠識地  
雄南人不復反永表漢年銅

紅苗歸化恭紀二十韻

侯官鄭任鑰

雅化迴殊俗仁風扇遠畿版圖天宇廓干羽峒  
苗歸往者荆湘表常多蠻獠依鼙鼙紛跳突猿  
狄競犇飛箐密盤蛇徑林深伏弩機緣谿流已  
毒列砦柵偏巍屢熾攬槍氣曾標銅柱威由來  
聲教隔未信武功微

聖德今無外窮荒早見幾倏懷遷木喜轉愧負嶠非  
內附空羣落來王拓數圻願編熟戶籍長服省  
民衣水邏銷城壘牢坪刻石磯連團投境域占



地事耕穡鎮算防應減辰陽戍可稀人馴知漢  
大業廣覺前希詎待朱崖棄無勞白羽揮輸庸  
寶布淨作貢麝臍翻流土何須改關門不用譏  
皇情還睠念體卹莫教違

紅苗歸化恭紀二十韻

太倉王 暮

帝治登三古

皇威播八荒幅員開地紀干羽舞堦行傳檄平炎嶺  
飛書入夜郎尉佗甘北面楊僕靖南方化及無  
雷國風行出日鄉雕題齊拱伏紫舌並賡颺雉  
白梯雲嶠珠青貢海航人間消壁壘天上息欃  
槍重譯車書盛同文俗尚良紅苗鄰楚甸青嶂  
鎖蠻疆負固屯谿洞游行恣陸梁識時羣蟻徙  
革面短狐藏在聖誠無戰于湯更有光獻琛爭



納款奉朔喜來王仁政方柔遠偏隅敢恃強趁  
墟供職業包飯事耕桑野性馴麋鹿雄心靜虎  
狼披荆離石險垂髻帶蘭香盛事聞京洛祥雲  
遶建章會同

金殿側

聖壽祝如岡

紅苗歸化恭紀二十韻

海鹽俞兆晟

景運千秋盛烝黎六寓恬恩膏均覆載仁義久摩  
漸鯨海輸將亟龍荒織貢添宣威通密箐服教  
等窮檐自昔槃瓠種曾開辛女匱路爭千嶂險  
族向五溪潛瘴合迷黃霧兵驕樹赤幟精夫偏  
架捷客語浪花恣予矜椎髻侏離笑舞杵從  
來傳負固不信用韜鈴舉世欽

雲日羣蠻畏金鬻釋冰欣有藉折矢更無嫌空闊  
遊天宇侵尋化里閩熙春仍跳月菽麥漸膏鎌



六管低迷吹雙絃宛轉摻劑量藏醕富淡漠畫  
雞占吉貝文猶古鷓鴣號已殲青萍銷洞穴朱  
鷺達堂簾綏遠存寬大含生慶被霑何須事干  
羽文德有苗瞻

紅苗歸化恭紀二十韻

茶陵彭維新

文德馴殊俗苗氓入版圖乾坤鈞覆載谿洞闢  
榛蕪自昔槃瓠種紛居臘惹隅蜂屯人剽悍兔  
窟嶺迴紆風土矜椎髻刀鎌壓繡襦啓疆騰赤  
燄滋蔓逼蒼梧毒水團煙沸飛鳶墮影孤天窮  
江漢國地隔杜蘭區野性嫌拘束

清時盡感孚土官隨處置寶布歷年輸近屬皆安  
堵生猺敢負嵎湛恩宣大吏歸命走精夫愧悔  
顛蒙久提攜婦子俱蠻花霑露笑山鳥望羣呼



系白皇仁系言  
三  
遵彼沅湘路來依禮樂都瞻雲祛瘴癘觀化厭  
形模幕府青蚨出旗門綵幣敷捧來金燦爛舞  
處錦糝糊撫恤

王言大懷柔

帝澤濡剪毛招遠砦率土屬唐虞

紅苗歸化恭紀二十韻

奉新張懋能

帝治高千古

皇風鼓四方蠢茲徭獠衆順應國家昌澗水憑山險  
黎平據寨強盤絲誇異俗繪蠟耀蠻妝愚似羝  
羊觸疾如飛鳥颺冥頑久負固感格以

垂裳大化和如雨仁威肅似霜元臣宣

上德節制震巖疆編戶輸金粟抒忠捧篚筐銷戈知  
誦讀賣劔樂耕桑銅鼓烽煙淨壺笙禮教揚峒  
人深雨露羅甸荷恩光自幸生今日咸欣戴我



皇兩階陳舜樂百濮會周王刷齒同車軌雕題服典  
章頓消魑結俗遽改蹋歌場不必煩神策寧同  
伐鬼方誕傳龍九子妄紀竹三郎此日皆中土  
何人敢跳梁披圖百代遠卜曆萬年長

紅苗歸化恭紀二十四韻

昆明王思訓

化極乾坤大光同日月昭武威通萬國文德格  
三苗惟此紅爲蠹方之黑更驍毒淫蒸澗水險  
怪峙蠻嶢峒衍盤瓠種溪連陸渾獠斑絲纏卉  
服花髻插雞翹野祭巫迎鬼刑牲血歃猫但憑  
五寨僻不改六男妖挺健逾蒼兕飛揚類阜鵬  
洞庭彭蠡近邛笮冉駝遙負固凡千載抒誠在  
一朝共瞻雲氣縵羣識海波消建長思金筑尋  
盟慕鐵橋懼蒙青犢號擬獻白狼謠夔鼓從公



奏蘆笙奉聖調求經知誦習賣劍絕攻剽酋帥  
天能畏妣徒月不跳頓銷羅子悍敢學夜郎驕  
盛代山鳴鳳殊鄉泮集鴉不聞張露布止見遣星  
軺桓誕新封煥梅安舊寵邀畫圖卑玉斧紀績  
薄銅標懷遠長歸馬論功豈續貂欣逢  
王會日干羽舞簫韶

紅苗歸化恭紀二十韻

華容潘楷

帝德敷寰宇

皇仁格遠天苗氓歸版籍谿谷樂桑田舊屬槃瓠種  
長依鎮遠邊鴟張經楚漢鼠竊肆烽煙露處爲  
家室巖居乏市廛茹毛聊當食衣樹却安眠泯  
泯生成外普普歲月延負形如鬼蜮走險似風  
鳶族類尋常異猖狂習慣便從無聞面革奚自  
冀心悛

天子聲靈遠神謀聖武先旅振窮寨穴電埽陟山巔



奏捷

天顏喜敷文

德詔宣愚頑爭樂附

溫語遍懽傳建長分閭族設官定戶編昔年何蠢爾

盛世一翻然耕鑿同淳俗輸將慰永年漸摩心帖服戴履意踴躍鎖鑰崇專寄封疆簡大賢柔懷勞

睿慮

鳳曆慶長綿

紅苗歸化恭紀二十韻

餘姚史尚節

帝德超三古

皇恩被八埏遐陬歸化育撫御賴仁賢蠢爾三苗種蟠居五嶺顛含生多狡獪秉性類鷹鷂革面心猶梗潛形跡屢遷渡瀘彰漢武立柱靜炎邊自古不來享從來未授廛

聖朝多雨露寰宇靖烽煙入貢非邀致輸誠聽自然遐方敷政教大吏職承宣鳥道通平陸鯨波息大淵版圖依禹甸耕鑿樂堯天賚獻諸酋洞人



登百越船熙熙咸格慮頽頽共摩肩地阻南天  
遠心馳北闕前花斑寶布美雪豔寶刀堅日麗  
雲煙淨風清毒霧捐遠人懷德至制府論功先  
嘉予臣工勵謳吟遠近傳賡颺勤紀載樂土自  
年年

紅苗歸化恭紀四十二韻

諸暨壽致潤

永奠巴黔域新懷楚蜀隅蠻方通禹貢

帝力警堯吁夙負憑嵎虎全輕狎浪鳧刀鉞鏤齒齧  
塗涅繡肌膚猱捷時升木鮫潛或泣珠託身巢  
上下紀歲樹榮枯三窟謀陰狡連雞事有無脯  
蛇甘毒螫舞象博歡娛舊鮮銅標建因無竹箭  
輸偷生耽險塞跋足遠康衢俗弊淫兼鬼疆分  
頓與胡蝸爭緣戴角塘怒每忘軀弩勁皮弦挽  
鋒銛縷血濡鱗駢原頃刻獸駭只斯須豈識宗



周會方當萬國趨秋霜清瘴癘春雨潤荒蕪節  
鎮謨誠遠巖廊策早紆壯猷宣外閩長駕出中  
樞羅拜咸崩角潛聲儼伏蒲兩端消首鼠肆赦  
稔啼烏激浦潮頻上沅陵日未晡五溪開漢甸  
二酉闢仙都自是恩威著非關羽翼孤哀荆歌  
奮伐後后詠來蘇

天意憐羣醜

王章憫下愚鎔金收躍冶鼓鞞御洪鑪宇覆何其廣  
風行詎敢誣八方遵共軌三面貸迷途幕府需  
良翰鏡歌用碩儒胸吞雲夢澤飲涸洞庭湖荆

阻深堪入辰江淺徑逾梯航經嶽麓文物動寰  
區欲鑄神姦鼎還披玉帛圖日車停細柳雲蓋  
拂蒼梧大吏持龍節諸軍把鹿盧已看登被濯  
庶免辱泥塗耀武功仍烈招攜禮復殊奔騰防  
柙兇局促貫轅駒甲盾寧重試旌門僅一呼雕  
題懽不輟長鬣手交扶旣震先聲伏應虔後至  
誅蕩平占有極

王路不崎嶇



紅苗歸化恭紀十六韻

上元朱元英

蕩蕩

皇風遠巍巍

帝德高含生羣樂育率土荷甄陶聲教敷窮髮威靈  
暨不毛盤瓠遺舊種蠻峒逞兇豪出沒依篁箐  
潛藏穴塹濠綠瞳形最蠢紅帕性偏饕蹈刃狂  
于虎攀崖捷似猱包茅曾不貢邊土易相撓苗  
俗從今革王章自古逃股肱初建節荆楚盡流  
膏比戶聞絃誦深耕賣劔刀冥頑憐醜類撫卹



矢勤勞撥霧消蒙翳瞻天入覆燾蘆笙吹作樂  
寶布製成袍漢法常遵守潢池敢驛騷太平  
恩澤久歌舞共遊遨

紅苗歸化恭紀二十韻

常熟蔣連

盛世昭文德遐方被

聖功百蠻歸版籍全楚闢榛叢自昔驕紅帕由來悍  
綠瞳狡行三窟裏毒釀五溪中籌密資爲宇巖  
深倚作宮文身同鬪巧椎髻自誇雄短域窺人  
影長鯨鼓颺風招攜煩

睿算化蠢賴元戎飛檄三章約降藩百寨通獻圖爭  
納款插血誓輸忠德耀韜金甲威宣挂角弓荒  
山瞻曉日歡唱叶巴童冠帶聲華及錢刀賞賚



公和風銷殺氣醜類託

仁衷林茂憐鴉集羅開憫獸窮貿遷通內地戕虐  
戒羣工鎮算豐碑峙槃瓠舊俗空恩從荆甸溢  
功配舜階崇玉燭綿

皇曆禎符萃

帝躬光華流萬禩八閩仰昭融

紅苗歸化恭紀二十韻

蘇州惠士奇

楚塞三湘闊梅山十峒遙暗連烏蠻戶斜帶紫  
薑苗鶴蕊春常發蠻枝歲不凋禽鳴秦吉了葉  
覆膽瓶蕉魁岸黃沙種侏離白面猺蠻歌皆按  
節山例亦分條屈曲衣穿頂斑斕錦束膏盱眙  
都誓貴偃蹇妖徒驕生硬難馴擾羈縻易扇搖  
千峰藏石室五郡建銅標激賞思秦氏開疆憶  
宋朝受降非馬援獻策有張翹溪峒相盤結荆  
湖遂繹騷蔓延連桂海剽掠到英韶蠻蠻何年



系自歸化者系言  
三  
構邊功詎可邀

聖朝威德遠峽路楚氛消道協乾坤大光懸日月昭  
久仁巴郡虎兼格洋林鶚納土原非策歸誠豈  
待招試吟銅鼓曲亦足備風謠

紅苗歸化恭紀二十韻

臨川李 紱

帝治登三古苗民格七旬兩階渾德舞四至總王臣  
要服盤瓠裔箐巖沅酉濱歛徒相爾汝冉向各  
頑囂溪上名何雜淩中亂已頻將軍吳李異謁  
者漢宗均采入勞摧陷經年困拊循羈縻還自  
絕竊發每相因革面知何日歸心忽此辰

皇仁綿紫極大化耀朱垠上國時風動殊方遂響臻  
未煩虞詡疏已覺單程俊滢葉休聲塞盧靈積  
染新梅安求質子桓誕早呈身蠻樂巴渝曲山



筐火澣巾

神功鐘呂奏

王會畫圖陳步遠窮章亥荒遐竟廣輪效珍非孔  
翠在藪即麒麟律已吹潛穎繩休束溼薪虞衡  
通桂海載頌擬韶鈞

紅苗歸化恭紀二十韻

華亭張起麟

宅中恢盛業柔遠協羣情夏會諸侯肅姬封九  
域并粵稽從欲治載及有苗征楚尾蠻煙合壺  
頭漢壘傾辰溪浮瘴影銅鼓振邊聲日月光難  
燭風雷氣未平于今歸率育自古得澄清大府  
宣威久雙幡布信行土酋遮道拜峒女插花迎  
鋌鹿隨車繞飛鴉集泮鳴回心

文德代稽首武昌城筐篚輸將足山川圖畫呈重  
巖咸則壤環寨盡編氓奏草來



瑶陛

綸言下玉京其艱思爾位若保念孤嬰地豈不毛  
棄仁惟兼體名牛羊安夜牧水火護春耕特沛  
朱提賜還兼赤紱榮萬年茲駕馭一統極生成  
潤色慙鴻筆英韶詎易賡

紅苗歸化恭紀二十四韻

宜興儲在文

帝德光天下苗頑亦即工勲華時復旦山澤氣皆通  
聿沂槃瓠種常衣鳥獸叢侏離形各異饕餮性  
難窮穴處黔川北巖棲蜀嶺東地當三楚奧險  
踞五溪雄逸峒揚酋盾懸厓引毒弓跳梁偏習  
蠢渾沌未開蒙代比要荒外人非職貢中

當陽符舜禹文治靜兵戎誠感遐方動仁漸異類  
融八蠻爭效順百寨盡懷忠始覩

皇輿壯兼知大府崇走趨憐跣躍笑語聚麩氈受約



渠魁集銜恩舞蹈同錦襟纏臂綠纓笠卸肩紅  
歸路誇猺獠安居擬蟄蟲竹筩環頌國寶布早  
輸公箐瘴消甘雨蠻煙蕩遠風斧慚圖上玉柱  
陋道旁銅

王道平無黨天休慶屢豐格頑惟用惠撫遠不言  
功蟠際窮殊域脩持自

法宮

明堂朝萬國初日正瞳矐

紅苗歸化恭紀二十韻

德清戚麟祥

神功恢

帝宇

聖澤滿坤維有土臣皆率無人德未施東南窮黑齒  
西北及龜茲太史圖王會行人志遠彝輕剽全  
楚地盤踞有苗基密箐山連影槃瓠種實滋民  
徭全桀豷生熟總侏離獠狂官難制伊嗚譯豈  
知三旬虞逆命七縱漢勞師

盛世恩翔洽羣獠感涕洟



九天傳渙汗一旦就羈縻自昔尊蠻長于今隸土  
司舜廷同舞獸泮水集鳴鳩鷹化寧嫌目雞爭  
各守雌橫刀寶瑁玳煎甲市蟻蜴禮樂勢仍面  
衣冠髻廢椎綠荷簞有食紅罽篚當絲江漢來  
朝日車書未有斯五溪春已遍九譯獻非遲  
鴻曆綿無外還輕撻代詩

紅苗歸化恭紀二十韻

宿遷徐用錫

再見

堯天大才知禹服長紅苗隨下吏赤縣到深篁雖  
是寰中地難稱腹裏疆于今始開闢自古未馴  
良

景運關成命深仁見我

皇檄休傳父老榮不用河湟慎重持兵力從容固禮  
防惟移今鎮算誰問漢辰陽制府從鳴鐸蠻煙  
淨肅霜擎拳誓歸化斷髮永遵王恐後傾幽峒



爭先躡複岡  
睚眦猜漢語  
顛倒著冠裳  
近壤依  
葭子雄心失  
夜郎猿猱奉  
丁帖鵷鷺訝  
封章異  
事騰書冊  
新聞詫職方  
天爲呈輿衍  
地敢任包  
藏昨喜恩無度

嚴綸官有常  
清風共知爽  
戴日不分光  
保泰寧  
毛潤凝麻定  
繫桑從茲看  
德讓干羽舞  
行行

紅苗歸化恭紀二十韻

阿克敦

皇仁流浩浩

君德仰巍巍  
史冊三王竝  
車書萬國歸  
梯山來孔翠  
航海進瓊璣  
文播兼揚武  
恩深亦著威

朝章知共凜

國紀詎能違  
惟昔蠻獠種  
延居楚蜀圻  
高天無不  
覆凡物任相依  
醜類同狐鼠  
生成止蝨蟻  
谿山深恃險  
弓弩毒藏機  
殊俗爭文面  
蠻風異卉衣  
自緣敷禮數  
漸肯就繩鞮



聖主施膏澤諸臣肅指揮招徠無遠近拜舞總環圍  
共識今朝是方知舊日非歡情隨草偃喜色逐  
雲飛版著丁逾盛糧輸歲不饑桑麻盈峒谷婦  
子樂柴扉永拓乾坤宇常懸日月輝洪鐘應鑄  
烈豐碣好銘徽從此鳴儀鳳無煩賦采薇萬年  
天子壽羣望

闕廷祈

紅苗歸化恭紀二十韻

新安呂謙恒

天紀無私覆遐荒隔

聖朝箚林連五嶺溪峒阻三苗派自盤瓠衍名從赤  
虺標含生均血氣依險擅攻剽方召旬宣久荆  
襄控制遙煙江流浩蕩石砦勢岌堯跂踵瞻  
天闕環星望斗杓龍山無伏莽雉水自通潮佇見安  
耕鑿羣欣保領耆

宁謨方略秘邊帥德威昭旬日陳干羽從容舞象  
箭輸誠來絡繹露布達煙霄事異歸俘馘功宜



告

廟祧大酺通國慶重譯象胥調翼軫符躔度湖湘靜  
牧樵冠裳椎髻改鑪冶劔鋒銷詎羨收寶布如  
聞集類鴟王人輕物異師武戒兵驕赤子真如  
保山蠻信可招須令遊化宇億載戴戴祁姚

紅苗歸化恭紀二十韻

無錫秦道然

帝德尊三極

皇威暢八荒含生皆向日有識盡來王維此苗民地  
由來梗化鄉萬山成阨塞三窟便深藏逆命從  
虞夏逋逃歷漢唐無緣漸禮教何處識冠裳  
聖化周毫髮

仁聲接混茫風雷驚伏蟄日月照容光蠢爾諸蠻  
觸翻然易肺腸萬夫迎節鉞百寨進壺漿襁負  
離巢窟輸誠到武昌井蛙歸巨海幕燕上雕梁



系古皇仁考系言  
拜賜懽聲沸陳情涕淚滂殊音猶鳩舌法服已  
王章自古安頑梗于今作善良輿圖非待廣  
帝念視如傷率土皆懷保方隅忍棄攘設官司教鐸  
咨牧課農桑風動真無外存神豈有方聲靈邁  
皇古誰不頌無疆

紅苗歸化恭紀二十韻

江都方 觀

赫濯

天威遠文明

帝德敷周班來玉帛禹會集璣珠蠢爾盤瓠種潛茲  
楚地隅蛇蟠連富峽兔走際黔巫境僻山形險  
人頑土俗殊綠崖分列砦倚峒即成郭擊鼓爭  
迎鬼抽刀易委軀採腥張毒弩鬪捷歷危塗有  
似鼪藏穴因成虎負嵎燎原非縱火滅迹比摧  
枯暫爾寬羅網終當隸版圖近郊心旋服絕塹



勢還孤干羽容逾盛旌旄信自孚宣風惟布檄  
奮武詎彎弧絳帕傾巢出青衣入帳趨螺吹如  
海沸馱舌效嵩呼官轄諸司長田輸各路租自  
今通華路終竟息萑苻拓地開南服瞻  
天拱北樞八荒寧謂遠億禩奉乾符

紅苗歸化恭紀二十韻

無錫黃趙音

帝德如天大洪鈞一氣中來朝五瑞合拱極九霄崇  
怙冒真無外甄陶詎有窮旬宣咨召伯教化得  
文翁荒服均霑澤苗人早即工族原依洞穴地  
本雜羆熊干羽終難格車書舊未通瘴雲迷遠  
近鳥道入空濛豈意羣歸命翻然願効忠蠻方  
開日月殊俗啓屯蒙終古淪幽谷於茲仰昊穹  
精誠知己白遺種自名紅請吏從文治飛章徹  
聖聰衡陽鳩舌化嶺表戍煙空柔遠憑良牧招攜賴



匪躬未勞司馬檄不數伏波銅頓覺堯天闢長  
教舜日融生苗承雨露野性就磨礱居似桃源  
隔人疑懷葛同會看興禮樂千載荷帡幪

紅苗歸化恭紀二十韻

海寧顧五達

帝世敷文德羣生育

聖朝歸誠窮朔漠納款極獯獠率土

皇威振光天

至治昭白狼歌絕域黑雉獻今朝蠢爾荆蠻種延  
居山澤遙鬼溪常負固龍洞屢興妖肆欲同豺  
豹張牙類虎貓梗頑心不靖跋扈氣方驕華路  
由來塞蠻煙自昔歆豈思投

絳闕未識近清霄



天子時矜憫元臣事撫招不須勤將帥已自服荒要  
赤土收金冊黃梁上玉艘豪酋犀甲解徒旅角  
弓貂髮薙更殊俗巢空去舊標戟門爭拜舞馬  
首盡遮邀共慶瞻天日咸欣仰斗杓勲追唐李  
靖績擬漢班超奏入

天顏喜功成

睿算饒頌聲流萬世干羽格三苗

紅苗歸化恭紀二十韻

海寧盧軒

曆開昌熾運祚啓

聖明朝古或征中冀今還格有苗種從盤瓠育族傍  
澧沅饒獐獠爲儕伍獍狎助桀驍身輕過兔脫  
首飾插雞翹銀作環垂耳紅爲帶束膏侏離言  
莫辨睚眦性難調篲箒工蹂踐巔崖縱躑跳由  
來多反側寧肯順麾招文德如天大仁風極地  
飄東南琛賫徧西北版圖遙膏雨滋芳野祥雲  
爛慶霄尾搖馴駭鹿音好變飛鴉跂足瞻行省



傾頭向斗杓誓盟鑄木契烽燧息銅標大鼓旋  
充賦銛矛亦就銷狼心全改革馱舌靜喧囂歸  
化流如水觀場湧似潮職方應闕載  
王會尚遺描盛事從前罕長歌付頌謠

紅苗歸化恭紀二十韻

嘉定張大受

楚俗今殊煥獠鄉昔最憊虞廷揚羽籥苗境偃  
戈鏃赫濯通朝傳雍容謁使幢出巢盤礮磴除  
道伐楓橦夕宿多潛狄朝行少吠厖萬家安臥  
枕四野亟勤糴負杖來千里難香進百舡叩頭  
將髮薙流涕感眷龐子母頒無算冠衣受必雙  
獻圖心早革習禮語無唳戴

主瞻高闕盟神指大江貢輸充府庾交易接解艘獞  
舞花留態蠻歌笛入腔向來荒蕪路從此啓荆



邦編戶名登簡旌功字刻珙吏才羣濟濟  
聖澤遠滂滂

帝以無私覆人因不殺降官司箠可折學校鼓能撞  
湯網開三面周旒啓八牕太平綿萬禩南斗燦  
天杠

紅苗歸化恭紀二十韻

上元黃越

紅苗霑

聖化編戶似齊民伊昔分生熟從來健手身語言非  
所達嗜好任其真寨以強相併羣多獷未循狼  
貪常肆掠豕突易生嗔不足煩兵力無由使化  
淳

聖神操密勿文武矢忠純措置遵方略恩威任屈伸  
謂茲皆赤子所在盡斯人負固傳中古歸誠及  
十旬



天威良足畏習尚頓能馴  
椎髻雖前俗衣冠實可珍  
張官爲置吏薙髮許垂紳  
無復牛爲佩胡爲茜  
染巾方當

天有道况復地無垠  
朔漠連鰲背臺灣盡海濱  
五溪原咫尺三楚久真醇  
鎮筵聞風服盤塘顧化新  
都緣方內理故願行同倫  
中外皆誠悅甄陶荷  
至仁

紅苗歸化恭紀二十韻

商丘宋筠

天地無私覆羣生入治甄  
巍巍瞻

帝德皞皞仰

皇仁文教敷荒服威靈懾遠人  
有苗頑自昔

盛世澤如春蠻峒包藏久  
兇豪聚散頻箐篁深倚  
窟郊藪靜聞信亦是寰中地  
寧非率土臣綠瞳  
形最瘳紅帕性難馴元老謨  
謀遠遐方氣象新  
百蠻今息戰三楚已無塵  
闢路通深阻瞻天荷  
化鈞撫安推制閩錫予自



系古詩集卷之七  
楓宸泉布沾無數衣冠耀此辰雲開衡岳外波潤  
漢江濱苗俗逡巡革

王綱頃刻申歡呼初薙髮踴躍悔文身出入奸虞  
息優游禮法親光華依

聖主和盜被

恩綸婦子咸知感章程誓共遵太平垂永久雅化  
樂和醇

紅苗歸化恭紀二十韻

睢州李 中

盛世流淳化仁恩品彙蘇

天心含萬有

帝德協三無土宇環瀛海冠裳萃嶽塗里閭寧婦子  
山藪靜亡逋異俗咸遵路何方敢負嶠蠢苗如  
豕鹿遺姓半龍吳自昔皇王世傳聞種類殊並  
生天廣大兼愛化霑濡野性難馴獸貪心每被  
俘五溪時告警三楚亦多瘡憫爾非豺虎無勞  
費矢弧選賢開大府布令覺羣愚告諭申



天語招來乘

廟謨轅門蹲犬拜城闕集麋趨入告

宵衣慰崇褒

寵錫逾

皇心軫初附申命實良模長吏除貪暴豪民戒毒荼  
旋看農業廣漸習禮容都自是育民物非因廓  
版圖應傳功德盛銘勒在荆巫

紅苗歸化恭紀二十韻

太倉王時憲

一人方首出布化早乘乾

帝德超今古

皇猷闢幅幘八紘環禹甸萬國戴堯天重譯通蠻語  
窮追靖塞煙要荒咸入貢遐邇並來宣獨有生  
苗梗從無內屬緣粵稽隆古後爰攷

聖朝前難問彝倫斃休繩禮義愆花羣聊掩斨葉  
服但遮肩跳月春相謔圍爐夜始眠殺人生競  
啗鬻父老誰憐性悍羞銜璧形獍善控弦冥頑



真自外覆載不曾偏含齒皆蒼赤雕題仗化甄  
聲靈常赫濯膏澤久流傳服教心從革投誠念  
各堅斑衣齊拜舞

丹詔總矜全正朔知初奉羣氓得共編周原方膺  
膺王道實平平白雉遙爭獻謳歌億萬年

紅苗歸化恭紀二十韻

長洲王世琛

造化無遺覆羣生有並容涵濡勞

聖澤歌舞徧蠻封自昔三苗逆多因一怒從壯猶周  
迺伐亂次楚常攻深入師方肄羈縻賦略供篁  
深谿黯黯霧濕嶺重重宥過

熙朝厚歸仁異域恭民情歡鞠育

帝意憫愚蠢

綸綍遙相慰弓刀竟勿庸出邨僮負鼓穿礮叟搢  
筇峒戶爭銷戟徭酋樂獻賓南蠻來攘攘



北闕望顒顒漢沔交蠻市彭盧著甸農雨施頌酒  
脯雷動振鼗鏞六合騰麟鳳千屯絕蠱蠹太平  
占幾穗多壽祝如松吏道隨風巽

皇恩溢露濃車航通百譯更老協三雍班固曾成賦  
崔駟欲進頌豐功魏日月珥筆愧章逢

紅苗歸化恭紀二十韻

歸安沈樹本

帝德周天遠

皇圖絕徼通卉裳趨正教魁結向華風自古三苗地  
難歸九域中何曾知禮樂但解競刀弓別種猶  
稱獷文身獨擅紅生涯依瘴嶺窟穴寄深叢喜  
怒紛爭奪恩讐劇戰攻縱令陳虎旅未可闢鴻  
蒙

聖主方端冕殊鄉遂効忠猺獞懷澤久狃狃感  
恩同豈藉嫖姚騎寧煩矍鑠翁幅幘增遠道版籍



獻

彤宮解辦歌蠻女吹笙走熨童珥璫銀錯落襁負  
錦氍毹共慶來周雉遙傳表漢銅黔山皆拱北  
楚水盡朝東恰值兩階舞俄成萬里功荆榛誰  
復阻溪洞已全空蕩蕩堯天廣煌煌舜日融更  
須閭立本寫入畫圖工

紅苗歸化恭紀二十韻

長洲徐葆光

聖主垂衣治中天日月昭遠荒同五服大化及三苗  
蠢爾盤瓠種綿延桂海遙一從七旬格久曠四  
門朝方叔勤周旅鄔陵助楚囂五溪蟻聚垓八  
姓峒藏梟革面歸新化輸心請舊要盱眙初拜  
跪啁晰自風謠山職更私印精夫講憲條口租  
實布細土貢箭砂饒銀綵齊分賜紅藍並就招  
紫袍花滿髻赤髀錦纏胥偏架拋連鏃邊團歇  
麗譙荆巫盟誓重蠻箐毒氛銷山芋炊筒熟巴



歌擊竹調吹笙成禮俗連袂蹋神徭解髮編初  
戶操兵捍外徼越裳重獻雉銅柱更移標吉語  
來三楚歡呼動百寮兩堦文德舞萬古比簫韶

紅苗歸化恭紀二十韻

吳縣馮汝軾

舜階崇羽舞於變及苗民盛德能懷遠至誠必  
感神我

皇今建極黎獻久稱臣日月光天下風雷接地垠昏  
迷嗤小蠢騷驛負鴻鈞寇種盤塘聚蜂窩鎮算  
鄰叢篁深捍日連瘴動侵晨邊略非窮武

皇心重拊循厥猶方叔壯不殺帝堯仁雨洗壺頭浪  
煙消蠻蛋塵縱擒那用七來格止經旬嶺戶焚  
巢迫溪丁編籍新歡呼懲後至涕泣悔前因入



笠憐豚突充庭看象馴來王商有截重譯漢咸  
賓蝸觸山川僻龍飛雨露均河清人共壽雲藹  
物同春從此銷兵永行看入獻頻西浮黔土產  
南貢粵疆珍聲教高千古鴻圖

王會陳

紅苗歸化恭紀十六韻

常熟陶貞一

帝德敷羣服

皇靈懾百荒蒼生齊向化

天子正當陽鼓盪山川氣昭回日月光訖聲同有夏  
於變邁陶唐澤及侏儻種恩深犴狴鄉龍岩爭  
職貢柳寨亦來王麟布輸金殿蛟毫荐玉牀雲  
披天露碧風散霧消黃賞賚開

天府恩膏出

上方酒牛頰絕嶺泉布滿清湘共仰堯堦峻咸欣



舜日長得瞻新禮樂不改舊耕桑舞態翻雙袖  
歌聲和八琅洗心歸

至治革面受

王網寶劍何須仗雕弓不用張豐功流竹帛萬古  
荷

垂裳

紅苗歸化恭紀三十韻

無錫杜 詔

皇圖增式廓

宸化大宣昭帶礪金湯固陰陽玉燭調普天皆赤子  
何地著紅苗徼外人煙絕湖南道里遙洞庭波  
浩渺衡嶽勢岌嶷鎮筵常居險盤塘夙聚臬編  
茅分峒口樹寨截山霄久處巖陬僻偏安族類  
澆往來同犵狁生長雜獯樵椎結滋頑梗羈縻  
倚廓寥世爲邊境患時趣吏民焦動輒煩征討  
居還苦驛騷語言愁寄象聲教阻荒要允矣



今天子神乎古帝堯光華文思爛赫濯武功超定遠  
無傳檄防秋止挂詔妖氛三楚淨瘴厲百蠻銷  
幕府紆威禁軍營肅教條已同于羽格不待旆  
旌招延頸思王土輸誠款

聖朝後先過雁嶺早晚渡龍標夏口稱雄鎮南樓見  
嚴譙北門猶鎖鑰上將是嫖姚冠蓋看森列桑  
麻羨沃饒願言修貢職可使服征徭布令傳烏  
弋封章達紫霄歡欣盈

殿陛褒賞及官僚燕喜賡魚麗龍光賦蓼蕭星雲  
方復旦江海不生潮共聽鈞天奏微臣進九韶

紅苗歸化恭紀二十韻

吳縣鮑開

浩蕩

皇圖遠瀛綸

聖澤深中天開至治薄海格非心白雉來周服薰風  
入舜琴寧教三楚境猶有百蠻稜接地秋雲壯  
連營夏木森辰陽猶漢郡黎首亦秦黔昔代虛  
縻繫

今皇示縱擒

九重寧暇食百爾盡爲霖制府猷林盛獠鄉螫氣



沉傳呼語絮絮麾騎驟駸駸入穴偏豪飲登山  
發細吟迅雷驚算谷膏雨沛

綸音定賦成咸壤宣恩却貢琛淋漓攜婦子歌舞  
獻鞶鞶熟者久瞻化生苗此瀝忱便令敦學校  
定可賦蒿芩椎髮光衣被輸實効組紆駟麟安  
樂土鸞鶴愛深陰宇宙真無外簫韶得敬聆  
垂裳隆自古文教振當今

紅苗歸化恭紀二十韻

武進楊祖楫

至治恢無外苗民仰

帝光盤瓠繁遠裔僕鑿競蠻妝窟穴千年闕巖巒萬  
古藏未知虞與夏寧辯漢兼唐騰躍猿猴捷喧  
啾鼠雀忙纏頭堆絳帕垂帶爛紅裝盃水含妖  
蠱山藤隱箭鏃土頑形詭異地險俗譎張不解  
觀干羽奚堪汙斧斨大僚宣愷澤小醜靖披猖  
聖世威兼惠春臺露易霜蒼生疇二性赤子豈殊方  
革念捐符呪傾心凜憲章鳥言徐轉舌猫血乍



湔腸內地欣初歷天糈訝許嘗情同歸櫪馬喜  
似入林麇台耆爭稽首兒童更引肱投刀操錢  
縛薙髮襲冠裳種族空羣寨聲靈溢八荒底須  
丹浦戰  
垂拱集梯航

紅苗歸化恭紀二十韻

長洲顧嗣立

聖世三苗種

皇威萬國同西南窮楚尾東北闢黔中錯處同蠻獠  
潛藏異陸戎險憑山作寨安倚峒爲宮藝植爭  
刀利菑畬用火攻耳鑲椎髻黑膏帶壓花紅格  
磔聲如鳥趨趨走類熊村歌喧僭休賽鼓響銅  
籠聲教推難訖征徭梗未通

帝心防黷武

睿算荷成功天討風雷肅師行貔虎雄五兵陳陣壯



三略運謀工  
奔石轟巖  
粵戈鋌  
彗蟬竦  
推誠方  
瀝膽歸命已  
披聾搖尾  
蹲狂犬  
垂頭伏  
鷲蟲士  
何煩折矢  
將早見  
懸弓穴  
蟻皆蒙  
化山魑亦  
納忠來庭  
符至德  
無戰契

宸衷六合興  
圖闊羣方  
氛祲空  
重華干羽  
舞勲業未  
爲崇

紅苗歸化恭紀八韻二首

錢塘徐杞

自昔盤瓠種  
敷文格帝階

聖朝方偃武  
異類亦歸懷  
卵育全開網  
塵清不曳柴  
五溪流轉潤  
三峽氣殊佳  
賓布童裁服  
蠻花女插釵  
猱升通禮讓  
鳳舞著和諧  
稅入金如粟  
恩頒酒似淮  
普天皆赤子  
何忍外珠厓

其二

薄海

皇威暢如天



聖度包譬魚羣戲水比鳥各安巢農器皆能鑄儒書  
亦用教騰懼喧鼓吹申令肅旂旃虎拜文成雅  
豚孚德繫爻威標蠻服柱義貢楚人茅但有麟  
翔囿全無犬吠郊  
帝勲銘萬世笑兀過岷嶠

紅苗歸化恭紀二十韻

江都程夢星

帝世懷柔遠

皇朝德教先八荒同覆育四海荷陶甄地本巫黔接  
人由狃狃傳負強沿自昔逆命溯從前豕突知  
蠻觸蜂屯恣壁穿營居攢石窟樹寨蠱崖巔女  
子刀爲佩男兒髮盡髻跳梁如樹者蠢動類柔  
然儼與赤城合還同丹徼連衣冠非漢制土俗  
異郊鄽血氣雖凡有聲靈未及焉漸摩今已久  
狂悖忽能悛奉朔嵩呼肅來庭膜拜虔歲時方



物獻版籍戶丁編伏莽戎心息乘墉舊俗蠲修  
文橐鼓臥頒賜

睿書宣雨潤三湘水風清五嶺煙陽回探谷口春在  
邃巖邊游遠鴻濛日常遊浩蕩天舞于茲再見  
貢紀入虞年

紅苗歸化恭紀二十韻

大興薄海

春播千峰雨秋凝萬樹霜畏懷符大造中外若  
同方有土皆歸隸無知亦對揚三苗豈爾族一  
種各爭強蠻布蒙頭客珠鈿壓額倡裹鹽青箬  
冷包飴綠荷香刀鍊生時鐵花開毯上妝洞雲  
迷豕鹿山樹雜旗槍

盛世崇寬大夷民識

帝王不須布

聖武自欲奉



乾綱競納微臣款因觀

上國光中和新禮樂人物大文章景色河山勝韶

華日月長懷柔思雨露壯麗識金湯既幸逢

明聖應慙作夜郎威非張撻伐德已合要荒邊境依

中土丹心達

紫閭自今歸禹甸長此樂虞裳蟄振無雷國風行

戴斗鄉

一人真有慶

萬壽祝無疆

紅苗歸化恭紀二十韻

華亭王時鴻

帝德高千聖

宸威被萬方垓垓環拱極雲日仰垂裳久御璿樞柄  
常調玉燭光尊親孚血氣胞與遍要荒重譯冰  
天未占風桂海旁日城歸版籍月窟隸封疆邊  
徼清煙瘴遐陬浹雨暘紅苗餘別種卉服改時  
裝納款同曾竹稱臣效紫薑自知蛙在井無異  
燕居堂治久銷鋒燧時清靖斧斨甘心攜醜類  
革面化馴良正朔通蠻表華風感夜郎舞干超





P63



舜代因壘邁周王始識昇平樂偕遊泰運昌只  
今

王會盛振古

帝圖長化育弘無外聲名遠更揚車書敷采甸享贄  
接梯航共展三呼祝齊稱  
萬壽觴小臣欣忭舞珥筆載賡颺

紅苗歸化恭紀二十韻

錢塘錢廷獻

聞道三苗種今來歸化誠漏天纔見日陰洞忽  
知晴覽史欽堯典刪書記禹征猶疑煩

帝力未解凜

王正

盛世同文軌

清時罷甲兵恃頑原有地輸款詎無情犴鳥邨邨  
喚蠻花面面迎一聆傳檄諭快作授屨氓箐密  
敢盤踞榔陰絕鬪爭提攜妻與子歡笑弟兼兄



火毳新裁製寶幪舊織成筥筐踰嶠遠負戴叩  
關輕山勢排雲出溪流入地行輿圖開異徑方  
物定前程營窟仍安宅犁田共叱耕

皇恩溥無外

聖德大難名族聚衣冠地風垂雅頌聲僑居雖朴陋  
惠澤總均平幸自求其類詎能戕爾生職方勤  
紀載大樂譜咸英

紅苗歸化恭紀二十韻

吳江陳王謨

聖德殊方被

皇威絕徼申含生皆雨露有覺盡陶甄古昔三苗種  
流傳八桂垠野心原異類讐性本殊倫生熟分  
巖穴烏紅割水濬飛頭輕險隘火蹠捷荆榛征  
討根株蔓招徠窩竊頻窮兵聞兩漢舞羽尚兼  
旬化日臨無外和風動即春乾坤胥在宥覆載  
總洪鈞綏輯哀荆旅經營進虎臣王師原不用  
蠻俗已歸馴稽首知寧爾傾心拜



聖人五溪堙濁浪九種絕纖塵共効康衢舞羣安王  
路遵觸蠻當日面耕鑿此時身擊壤堯天大編  
圖禹甸勻懷柔勞制閩撫育塵

楓宸自際中天盛方知率土親南荒今永輯萬國  
慶同仁

紅苗歸化恭紀二十韻

丹徒夏慎樞

徂征傳大禹即命自陶唐史載盤瓠種蠻稱椎  
髻鄉地形連五筭水勢阻三湘菁密藏蛇豕營  
高峙鳳凰徒聞軍似虎轉見野如狼弩勁鋼牙  
鏃刀鈹鐵齒鋸精夫頻出沒種落自猖狂龍節  
來元老麟符賁

聖皇念茲荒忽類惟有撫綏良不戰徵歌舞開誠致  
享王兇緣恩頓化成威與德俱揚減俸頒金帛披  
圖畫界疆直須銅作柱寧用鐵為梁稅自輸實



布衣應改尾裝九天調玉燭三楚壯金湯勲業  
刊青史

絲綸布紮閭居然羊叔子何異郭汾陽鎖鑰秦關  
重旌麾蜀道長遙占新擘畫更接舊輝光拜手  
歌常武巴謠愧錦囊

紅苗歸化恭紀二十韻

大興舒大成

地控三湘遠江連八桂遙職方編卉服風物紀  
龍標嵐重山常墨烟深瘴不消竹盤蛇徑毒沙  
步雀形佻短甲前餘脛長刀左繫腰貫頭紅錦  
爛約背綠纓飄生梗全如鹿侏離半是謠喜時  
花髻舞怒見角弓搖蠢爾依崖險從來肆驛騷  
黔疆餘舊孽楚塞熾煩囂即命曾難再輸誠忽  
就招誓詞神聽重兵氣日光銷上策勤元老豐  
功勒



聖朝戟門惟賜帛馬路不鳴刁巴樂傳銅鼓蠻枝貢  
鐵蕉綵袍渠帥拜賓布妣徒徭熟戶添新隸峒  
丁禦外徼何須勞撻伐已是集荒要掠地無青  
海披圖達紫霄兩階稱賀處聞說譜雲韶

紅苗歸化恭紀二十四韻

靖遠潘 祥

琛貝來烏弋歌吟著白狼懷柔施遠略誠欵集  
遐荒化及槃瓠種風移犵狁鄉

聖朝流湛露殊俗被春陽自古聞縻繫常時逞跳梁  
豈能通禮法未解奉王章錯處兼生熟綿延接  
澧湘裁紅紛裹帕卷葉巧吹簧竹劈刀堪佩罽  
纏錦作裝深潛如水域疾竄似山獐草徑千重  
黑蠻煙半嶺黃由來形隔絕忽播澤汪洋干羽  
惟教舞戈矛詎用張大僚宣



德意醜類靖披猖酋長羅冠服獠童奉篚筐出巢  
俱踴躍望

闕競趨踰酒食官厨饌金錢府庫藏人多沾賚予  
地僻遍

恩光一一歸圖版煌煌識紀綱傾心方戴  
主薙髮盡遵

王浩蕩天逾廣優游日更長自今依  
禹甸同此奉

虞裳喜致三呼祝遙稱  
萬壽觴太平真一統錫福永無疆

紅苗歸化恭紀二十韻

光山胡 煦

聖主方垂拱寰區謹率從兩階干羽合百族享王恭  
蠻獠知何有生成已悉容傾巢憐鳥鼠出鎮屬  
夔龍螳臂愁車轍鴟音集泮墉威先馳羽檄討  
不待臨衝營窟從渠狡丸泥却似封盤窩難據  
險伏莽亦來宗子甲欽

王化提陀仰

帝庸撫循真革面盟誓欲披胃俯首擒疑七陳情譯  
許重麻欄含氣淑蕉紵被春濃橙洞無朝警崙



關鮮夜烽鑄銅將柱表劈竹作衣縫南詔皆籠  
雉朱蘭悉獻寶鯨波天外靜珍貝越南供寧輯  
雕弓挂輸將玉粒春威應難勝德撫自愈於攻  
借箸方前駕持籌邁後蹤大勳麟閣茂銘勒在  
鍾鏞

紅苗歸化恭紀二十韻

華亭高不騫

幕府褒公亞英姿總不羣出關移翠節傍

闕駐朱幘信任超維翰訐謨奉

聖君巡邊須布德化俗即銷氛異數貳卿被周行獨  
坐聞單車從莅楚小隊且踰鄖緬彼有苗種繁  
茲鎮算垠因依但巢窟作息昧朝曛毛髮餘椎  
髻膚容映纈紋來兼盜牛馬去比竄夔犢疆理  
頽垣棄經過岐路分連營遷絕徼列寨枉重焚  
傳檄宣



寬大輕裘示儉勤綸巾葛丞相銅柱馬將軍勢較渡  
瀘險誠加臨桂殷開林疏瘴癘破竹靖紛紜喫  
血循猿挂傾心襲麝薰攜持歸夏口賜予溢江  
濱著錄幾曾見巴渝何足云只今襄

禹績終古建

堯勲

都御史鄂公宦於西安者十餘年自司臬司藩  
擢巡撫政寬民和咸戴之如父母

天子進公總督湖廣公為政一如在西安惟念湖廣  
鎮筸邊境紅苗尚未歸化具摺奏請欽承

聖諭親往苗寨招其酋長委曲化導以恩結之苗人  
悉歸附獻其輿地戶口咸至武昌受約束公犒  
以酒肉銀兩苗人感激歌舞而去於是自古未  
通聲教之苗人皆著版納糧具衣冠慕仁義與  
境內之民為伍矣撫苗疏入

天子嘉焉翰林諸先生相與為館課有紅苗歸化恭



紀詩喜遠人之來歸彰

聖德之深厚文付開雕韻流樂府相國太倉公爲之  
弁其端甚盛事也

天子以苗蠻向化南服永寧復念西土戴公之深移  
公總督川陝奉

命之日吾西人之宦於京師及爲商旅于此者莫不  
欣悅公子達禮善字履中嘗隨至西安訪古蹟  
大書鑱石又見其所賦詩知其好學敦行今印  
所刻恭紀詩屬大有識後虞廷舞干羽七旬而  
有苗格太和翔洽笙鏞間作百獸舞鳳凰儀豈



非盛德之形於聲音者哉事詳前序不復多贅  
特書其撫苗之功重來總制於西以志吾西人  
之喜者未可不以文辭也謹識之如右

康熙五十二年夏五月朔日丁丑

誥授中憲大夫鴻臚寺卿前翰林院編修邵陽張大  
有拜手書







